




ხაშურის მთაშვე



№1 (252)

13 იანვარი, ორშაბათი,

2020 წელი

საშობაო ალილო - ხაშურში

ქრისტეშობის დღესასწაულთან დაკავშირებით, სურამსა და ხაშურში, ტრადიციული ალილო მოეწყო. ალილოს შეუერთდნენ და საშობაო ქველმოქმედებაში წვლილი შეიტანეს ხაშურის მუნიციპალიტეტის მერმა გიორგი გურასპაშვილმა, მერის პირველმა მოადგილემ ზვიად ქურდაძემ, მუნიციპალიტეტის მერიისა და საკრებულოს წარმომადგენლებმა.

ალილოს მონაწილეებს სიტყვით მიმართა ყოვლადუსამღვდელოესმა სურამისა და ხაშურის ეპისკოპოსმა სვიმეონმა. დასასრულს, ადგილობრივი შემოქმედებით ჯგუფების წარმომადგენლების მონაწილეობით გაიმართა მცირე კონცერტი.

ალილოს მსვლელობისას შეგროვილი საჩუქრები ბავშვთა სახლებს და სოციალურად დაუცველებს გადაეცათ.



ხაშურში, "ივერიის" საფეხბურთო სტადიონის მშენებლობა აქტიურ რეჟიმში მიმდინარეობს

სტადიონის სამშენებლო სამუშაოები საქართველოს რეგიონული განვითარებისა და ინფრასტრუქტურის მინისტრმა მაია ცქიტიშვილმა, შიდა ქართლის სახელმწიფო რწმუნებულმა გიორგი ხოჯევანიშვილმა ხაშურის მუნიციპალიტეტის მერმა გიორგი გურასპაშვილმა და ცენტრალური და ადგილობრივი ხელისუფლების

იპალიტეტის თანადაფინანსებით ხორციელდება. პროექტის ფარგლებში დაგეგმილია საერთაშორისო სტანდარტების შესაბამისი საფეხბურთო მოედნის მოწყობა, აიგება 2 000 მაყურებელზე გათვლილი ტრიბუნა, მოეწყობა განათება, დამხმარე შენობა-ნაგებობები, ავტოსადგომი, გამწვანების ზოლი და საფეხმავლო ბილიკები. პროექტი ტერიტორიის კეთილმოწყობასაც ითვალისწინებს.

"ივერიის" სტადიონზე მიმდინარე სამუშაოები მიმდინარე წლის შემოდგომაზე დასრულდება.



წარმომადგენლებმა დაათვალიერეს.

სამშენებლო სამუშაოები მსოფლიო ბანკის მხარდაჭერით, მუნიციპალური განვითარების ფონდისა და ადგილობრივი მუნიცი-



დიმიტრი ყიფიანის სახელობის პრემია მურად მთვარელიძეს მიენიჭა



ჩვენი მკითხველისათვის ცნობილია, რომ ხაშურის მუნიციპალიტეტის მერიას დაწესებული აქვს საპატიო ჯილდო-დიმიტრი ყიფიანის სახელობის პრემია. კონკურსი, რომელსაც სპეციალური კომისია აფასებს, ორ წელიწადში ერთხელ იმართება. წლებანდელი კონკურსი რიგით მეხუთე იყო, წინა ოთხი ლაურეატი კი გურამ ყორანაშვილი, თამაზ ლაცაბიძე, თამაზ ჯოლოგუა და თამარ მიქაძე იყვნენ. წლებანდელ კონკურსში კი, ეს საპატიო ტიტული, კომისიის ერთსულოვანი გადაწყვეტილებით, დიმიტრი ყიფიანის ცხოვრებისა და შემოქმედების კვლევით, ფილოლოგიის მეცნიერებათა დოქტორს-მურად მთვარელიძეს მიენიჭა.

ამ დღეებში, ადმინისტრაციულ შენობაში, დაჯილდოვების ცერემონია გაიმართა, რომლის დროსაც, მერიისა და საკრებულოს ხელმძღვანელმა პირებმა მიულოცეს გამარჯვება ლაურეატს და საპატიო ჯილდოც გადასცეს.

მრავარიცხოვან მკითხველთან ერთად, ჩვენც ვულოცავთ ბატონ მურადს და იმედს გამოვთქვამთ, რომ ჰუმანიტარულ-სამეცნიერო ლიტერატურას მომავალშიც მრავალჯერ შეემატება მისი კვლევები თუ ნაშრომები.

ა(ა)იპ „სოფლისა და სოფლის მეურნეობის განვითარების სააგენტოს“ ხაშურის საინფორმაციო-საკონსულტაციო ცენტრის 2019 წლის 7 თვის(ივნისი-დეკემბერი) ანგარიში გაწეული მუშაობის შესახებ

ინფორმაცია გაწეული კონსულტაციების შესახებ:

ცენტრის სპეციალისტების მიერ, მუნიციპალიტეტის მასშტაბით, 2019 წლის 1 ივნისიდან 31 დეკემბრის ჩათვლით, გაწეულია 1252 კონსულტაცია ფერმერებსა და აგრარულ სფეროში დასაქმებულ პირებს, ოფისში - 876 კონსულტაცია, ოფისის გარეთ - 70 კონსულტაცია, აქედან, სატელეფონო სახით - 204 სოციალური ქსელის საშუალებით - 102 კონსულტაცია.

10 ძირითად მიმართულებაზე გაწეული კონსულტაციები ასე ჯგუფდება, იხ. ქვემოთ მოყვანილი ცხრილი:

კონსულტაციების გაწევა განხორციელდა შემდეგი მეთოდებით: 1) გასვლითი ოფისის გარეთ 70 კონსულტაცია ჯგუფურად და ინდივიდუალურად მოხსენებითი სახით და პრაქტიკული ჩვენებით. 2) ოფისში - 876 კონსულტაცია ფერმერებისათვის საინტერესო საკითხებზე სიტყვიერად, არსებული სახელმძღვანელო მასალების საფუძველზე, 3) სატელეფონო (სმს ჩათვლით) 204 კონსულტაცია სიტყვიერად და წერილობით და 4) სოციალური ქსელების მეშვეობით (Facebook) 102 კონსულტაცია.

აქტივობები:

ა) შეხვედრები ფერმერებთან და აგრარულ სფეროში დასაქმებულ პირებთან;

2019 წლის მეორე ნახევარში, სამსახურის სპეციალისტების მიერ ხდებოდა შეხვედრები ფერმერებთან და აგრარულ სფეროში დასაქმებულ პირებთან წინასწარ შედგენილი გრაფიკის და ყოველკვირეული სამოქმედო გეგმების მიხედვით, შეხვედრებს ვაწარმოებდით სოფლების საზოგადოებრივი თავშეყრის ადგილებში უზენაესი მიხედვით, საკვლე პირობებში, სადამონტრაციო ფართობებში და ადგილებზე ოფისში. გასვლითი შეხვედრები ჩატარდა 13 ადმინისტრაციული ერთეულის 70 სოფელში, რომელსაც დაესწრო 1444 ფერმერი და აგრარული საკითხებით დაინტერესებული პირი. დამსწრეებს ვაცნობდით ყველა სამთავრობო და არასამთავრობო პროგრამას, მრავალწლიანი და ერთწლიანი კულტურებისათვის ნიადაგის მომზადების და მცენარეთა თანამედროვე აგროტექნოლოგიებით მოვლა-მოყვანა-შენახვის წესებსა და მეთოდებს.

დამსწრე ფერმერებს ვუჩვენებდით სამინისტროს ყოველთვიური გაზეთის „ჩვენი სოფელი“-ს ვებ-საიტს, საშემსრულო ცენტრის მიერ გამოცემულ ბიულეტენებს, ფლაიერებს, ბროშურებს, სამსახურის სპეციალისტების მიერ მომზადებულ ბეჭდურ მასალებს და სხვა.

გასვლითი შეხვედრებისას, ფერმერებს ვაძლევდით რჩევა-დარიგებებს და კონსულტაციებს მაგნიტულ და აკუსტიკურ სპილენძის ბრძოლის ღონისძიებებზე და მრავალწლიან ბაღებში საზაფხულო სხვა-ფორმირების საკითხებზე, ასევე, ვატარებდით მიწის და სარწყავი წყლის ზოგადად ტესტირებას ვენახის, მკვლეის, ჭოლის და თესლოვანი ხილის ბაღებში, სათანადო დახმარებას ვუწვევდით თავთავიანი კულტურების მოსავლის ასაღები კომპანების უზრუნველყოფის საქმეში და სხვა.

2019 წლის მეორე ნახევარი უჩვეულო იყო წინა პერიოდებთან შედარებით იმით, რომ სოფლებში ფერმერებთან და საზოგადოებასთან შეხვედრებისას, აგვისტოს თვეში, მონაწილეობა მიიღეს გარემოს დაცვისა და სოფლის მეურნეობის მინისტრის პირველმა მოადგილემ გიორგი ხანიშვილმა და სექტემბრის თვეში მინისტრის მოადგილემ სოლომონ პავლიაშვილმა, აგრეთვე, შიდა ქართლის მხარის გუბერნატორმა, რეგიონული სამსახურის უფროსმა, საქართველოს პარლამენტის წევრებმა და მუნიციპალიტეტის საკრებულოს და მერიის ხელმძღვანელებმა.

დამსწრე საზოგადოება პირველი პირებისაგან მოისმინა აგრარულ სფეროში განხორციელებულ და განსახორციელებელ პროექტებზე და მათ ეკონომიკურ მნიშვნელობაზე, სოფლად სიღარიბის დაძლევის გზებზე, სოფლის განვითარების პროგრამებზე და სხვა. ასევე, დამსწრეთაგანაც მოსმენილი იქნა დარგში არსებულ პრობლემებზე და მის გადაჭრის საქმეში მთავრობის დახმარებაზე.

სისტემატიურად, ყოველი კვირის სამშაბათს, ხდებოდა მუნიციპალიტეტის მერის წარმომადგენლებთან საინფორმაციო ხასიათის შეხვედრები, რომელთაც ვაწვდიდით ყველა იმ ინფორმაციას ადგილზე გასავრცელებლად, რომლებიც მოქმედებაში იყო ან უნდა განხორციელდეს მომავალში.

საქმიანი ურთიერთობას ვაგრძელებდით პარლამენტის მაჟორიტარ დეპუტატთან და მისი ბიუროს მუშაკებთან, ასევე, საკრებულოს მაჟორიტარ დეპუტატებთან, რომელთა თანდასწრებითაც მრავალი შეხვედრა იქნა ჩატარებული.

ადგილობრივ გაზეთში („ხაშურის მოამბე“) პერიოდულად ვაქვეყნებდით სტატიებს აგრარულ საკითხებზე და სხვა.

აგრარულ თემებზე ვიდებო-მასალებს გასაცნობად შეუფერხებლად ვამუშავებდით ადმინისტრაციულ შენობაში განთავსებულ მონიტორს, რომელსაც ასობით მაყურებელი ეცნობოდა.

ბ) საანგარიშო პერიოდში, სახელმწიფო პროგრამის ფარგლებში, გაწეული გვაქვს 35 დასკვნა, აქედან „დანერგე მომავალი“-ს კენკროვანი ქვეკომპონენტის ფარგლებში 23 დასკვნა ჯამში 5 პექტარზე და „დანერგე მომავალი“-ს ბაღების კომპონენტის ფარგლებში 10 დასკვნა - ჯამში 43 პექტარზე. ამასთან, სააგენტოში ჩვენს მიერ პირველადი განაცხადი კენკროვანი კულტურების გაშენებისათვის თანდართული დოკუმენტაციით წარმოდგენილია 11 ბუნეფიციარზე, მეორადი განაცხადი კი - 7. ხილის ბაღების გაშენებისათვის წარმოდგენილია 4 განაცხადი, ჯამში - 9.5 პექტარ ფართობზე. აგროწარმოების ხელშეწყობის პროგრამის „პირველადი წარმოების კომპონენტის წვეთოვანი სარწყავი სისტემის შექმნისათვის მოგვმართა 2 ბუნეფიციარმა, რომლებსაც მიეცათ სათანადო დასკვნები სარწყავი წყლის წვდომის შესახებ.

დ) შეხვედრები არასამთავრობო და საერთაშორისო ორგანიზაციებთან

პირველი ივლისიდან 31 დეკემბრის ჩათვლით შეხვედრები გვქონდა:

ოქტომბრის თვეში - ფერმერებთან ერთად მონაწილეობა მივიღეთ გორის მუნიციპალიტეტის სოფელ უფლისციხეში გარემოს დაცვისა და სოფლის მეურნეობის სამინისტროს ინიციატივით გამართულ „შიდა ქართლის რეგიონის აგროსაინვესტიციო ბიზნეს ფორუმში“, რომელიც მოეწყო გაეროს სურსათისა და სოფლის მეურნეობის ორგანიზაციის (FAO) ავსტრიის განვითარების სააგენტოს (ADA) და აშშ-ის საერთაშორისო განვითარების სააგენტოს (USAID) მხარდაჭერით.

30 სექტემბერს, ქ. ხაშურში, ჩატარდა ტრადიციული საზეიმო ღონისძიება „ხაშურ-ქალაქობა 2019“, სადაც წარმოადგინეთ მუნიციპალიტეტის მასშტაბით მოქმედი 20-ზე მეტი თავისივე ფერმერულ მეურნეობებში მოყვანილი პროდუქცია, რომლის ასორტიმენტი წინა წლებთან შედარებით უფრო მრავალხაზოვნად გამოიყურებოდა.

ნოემბრის თვეში:

6 ნოემბერს, მოეწყო შეხვედრა გაეროს სურსათისა და სოფლის მეურნეობის ორგანიზაცია FAO-ს მენეჯერთან და დარგის ექსპერტთან ექსტენციის წარმართვის მეთოდოლოგიური მუშაობის შესახებ.

13 ნოემბერს, არასამთავრობო ორგანიზაცია BPN GEORGI -ს წარმომადგენლებმა ჩაგვიტარეს შეხვედრა „ბიზნეს გეგმების შედგენა და მარტივი საწარმო ბუღალტერია“ თემაზე.

26 ნოემბერს, ქ. გორში, მოეწყო შეხვედრა FAO-ს წარმომადგენლებთან, რომლებმაც გავაცნეს საკვლე სკოლის კონცეფცია და მეთოდოლოგიები.

ინფორმაცია სახელმწიფო პროგრამების მიმდინარეობის შესახებ:

საანგარიშო პერიოდში „დანერგე მომავალი“-ს პროგრამით გაშენდა მრავალწლიანი ბაღები 5 ბუნეფიციარის მიერ 3 პექტარზე. სხვა სახელმწიფო პროგრამების მიმდინარეობის შესახებ მონაცემები დასახსნის სტადიაშია.

რეგიონალური სამმართველოს და საინფორმაციო-საკონსულტაციო სამსახურის მიღწევები და წარმატებები;

საანგარიშო პერიოდში გაგრძელდა მუშაობის აპრობირებულ ფორმებზე დაფუძნებული და სასოფლო-სამეურნეო წარმოებით დაინტერესებული მოქალაქეებისათვის პრაქტიკულ შედეგებზე გათვლილი კონსულტაციების გაწევა;

სულ გაწეულია 1252 კონსულტაცია, აქედან ოფისში - 876, ოფისის გარეთ - 70, სატელეფონო - 204, სოციალური ქსელით - 204;

კონსულტაციების ნახევარზე მეტი გაწეულია აგრარული დარგის სამთავრობო პროგრამების თაობაზე, ამ თემაზე სრული ინფორმაციის მიღება მოსახლეობის განსაკუთრებულ ინტერესს იწვევს;

ამის გარდა, კონსულტაციები გაწეულია ისეთ თემებზე, როგორცაა მეთევზეობა, ნიადაგის ანალიზი, ერთწლოვანი კულტურები და მათი მოვლა-მოყვანა-წარმოება და ა. შ.

საინფორმაციო-საკონსულტაციო ცენტრის სპეციალისტები მუშაობენ წინასწარ შედგენილი სამოქმედო გეგმების მიხედვით;

საანგარიშო 6 თვეში, ცენტრის სპეციალისტების ჯგუფური მონაწილეობით, ჩატარდა 45 გასვლითი შეხვედრა მუნიციპალიტეტის სოფლებში, შეხვედრებს დაესწრო 1 ქალაქის, 1 დაბისა და 82 სოფლის 886 მცხოვრები, აქედან 885 ფიზიკური პირი და 1 ოურიდიული პირის, მ. შ. 1 სასოფლო-სამეურნეო კოოპერატივის წარმომადგენელი;

3 ივლისს მოეწყო სამსახურის სპეციალისტების გასვლითი შეხვედრა სოფელ ქვიშეთში მრავალწლიანი კულტურების მწარმოებელ ფერმერებთან, ვიზუალური დაკვირვებით ჩატარდა მკვლეის, ჭოლის მაგნიტულ-დაავადებებით გამოწვეული დაზიანებების სიმპტომების აღწერა და განმარტების გაწევა, შეხვედრის მონაწილეობს მიეწოდეთ ინფორმაცია კენკროვანი კულტურების გაშენების სახეობის სხვადასხვა, ადინიშნა, რომ ეს მეთოდი ხელს უწყობს მსხმოიარობას და ვერტიკალური ღერძის სახით ფორმირებული ხის ზედა ნაწილში ზრდის რეგულირებას;

ივლისის თვეში ასევე გაიმართა გასვლითი შეხვედრები ს. ოსიაურისა და ს. ცხრაშუხის მოსახლეობის წარმომადგენლებთან;

აგვისტოს თვეში გაიმართა 6 გასვლითი ჯგუფური შეხვედრა მუნიციპალიტეტის 6 ადმინისტრაციული ერთეულის 11 სოფლის 161 ფერმერთან და ადგილობრივ მცხოვრებთან.

21 აგვისტოს გაიმართა შეხვედრები სოფლების - ზემო ოსიაური, პატარა ახალსოფელი, სატივე - მოსახლეობასთან, შეხვედრებში მონაწილეობდნენ გარემოს დაცვისა და სოფლის მეურნეობის მინისტრის მოადგილე გიორგი ხანიშვილი, საქართველოს პარლამენტის წევრები, პრემიერის რწმუნებული შიდა ქართლის მხარეში, რეგიონალური სამსახურის უფროსი, მუნიციპალიტეტის ხელმძღვანელობა და საინფორმაციო-საკონსულტაციო ცენტრის უფროსი;

სექტემბრის თვეში გაიმართა გასვლითი შეხვედრები მოსახლეობასთან, რომელსაც დაესწრო მუნიციპალიტეტის 4 ადმინისტრაციული ერთეულის 10 სოფლის 154 მოქალაქე; შეხვედრებში მონაწილეობდნენ გარემოს დაცვისა და სოფლის მეურნეობის მინისტრის მოადგილე სოლომონ პავლიაშვილი, რეგიონალური სამსახურისა და ცენტრის ხელმძღვანელები და სხვ.

ოქტომბრის თვეში სამჯერ მოეწყო გასვლითი შეხვედრა ორ ადმინისტრაციულ ერთეულში, რომელსაც დაესწრო 62 ფერმერი, მათ შორის ქ. ხაშურში შეხვედრა მოეწყო ორჯერ, ქ. ხაშურში გამართულ შეხვედრებს ესწრებოდა 9 ადმინისტრაციული ერთეულის 1 ქალაქისა და 11 სოფლის 47 ფერმერი.

ნოემბრის თვეში ცენტრის სპეციალისტების ჯგუფური მონაწილეობით ჩატარდა 25 გასვლითი შეხვედრა მუნიციპალიტეტის სოფლებში, შეხვედრებს დაესწრო 52 სოფლის 416 მცხოვრები, აქედან 415 ფიზიკური და 1 ოურიდიული პირის, მ. შ. 1 სასოფლო-სამეურნეო კოოპერატივის წარმომადგენელი;

29 ნოემბრის გაიმართა 4 გასვლითი შეხვედრა ცოცხნარის ადმინისტრაციული ერთეულის სოფლებში, შეხვედრებს დაესწრო 6 სოფლის 58 მცხოვრები

შეხვედრებზე დამსწრე პირებს მიეწოდათ ინფორმაცია დანერგე მომავლის, შედგენილი აგროკრედიტის, 1-ლი ნომბრიდან ამოქმედებული აგროწარმოების ხელშეწყობის და სხვა სახელმწიფო პროგრამების შესახებ, გაეწიათ კონსულტაციები დარგობრივ თემებზე - ერთწლოვანი სასოფლო-სამეურნეო კულტურების მოვლა-მოყვანა-წარმოება, მებოსტნეობა, მევენახეობა, მეხილეობა და ა. შ.

ათეულობით ფერმერს გაეწია კონსულტაცია კენკროვანი კულტურების აგროტექნიკის შესახებ, მიეცათ რჩევები შხამ ქიმიკატებით სამუშაო ხსნარის მომზადებასა და მათი ხარჯების ნორმების დაცვასთან დაკავშირებით, მოსავლის აღებისა და შენახვის საკითხებზე.

საქმიანი ურთიერთობა გვქონდა გომის იუსტიციის საზოგადოებრივი ცენტრის მუშაკებთან, მათ დროულად მივაწოდეთ სამინისტროს ყოველთვიური გაზეთის „ჩვენი სოფელი“ სხვადასხვა ნომრის ვებ-საიტზე, ბროშურები და სხვ.

გაგრძელდა თანამშრომლობა ადგილობრივი გაზეთის - „ხაშურის მოამბე“ რედაქციასთან, გაზეთის სხვადასხვა ნომრებში გამოქვეყნდა საინფორმაციო-საკონსულტაციო ცენტრის 2019 წლის ექვსი თვის მუშაობის ანგარიში, ინფორმაცია აგრარულ სფეროში მიმდინარე პროცესების შესახებ, სპეციალისტთა რჩევები და ა. შ.

მოქალაქეებისათვის საქმიანი ინფორმაციის მიღების ერთ-ერთ ძირითად წყაროს კვლავ წარმოადგენს გარემოს დაცვისა და სოფლის მეურნეობის სამინისტროს გაზეთი „ჩვენი სოფელი“, სამეცნიერო-კვლევითი ცენტრის მიერ მომზადებული ბროშურები, სხვადასხვა მეთოდური მასალა და ა. შ.

საანგარიშო პერიოდში, სახელმწიფო პროგრამების ფარგლებში, მომზადდა და გაცა 35 დასკვნა, აქედან, „დანერგე მომავალი“-ს კენკროვანი ქვეკომპონენტის ფარგლებში 23 დასკვნა, „დანერგე მომავალი“-ს ბაღების კომპონენტის ფარგლებში - 10 დასკვნა. აგროწარმოების ხელშეწყობის პროგრამის „პირველადი წარმოების კომპონენტის წვეთოვანი სარწყავი სისტემის შექმნისათვის მოგვმართა 2 ბუნეფიციარმა.

საანგარიშო პერიოდში ცენტრის სპეციალისტებმა და მუნიციპალიტეტის ფერმერებმა მონაწილეობა მიიღეს სხვადასხვა ღონისძიებებში, კერძოდ:

ივლისის თვეში ცენტრის სპეციალისტები და ფერმერები დაესწრნენ ქ. გორში და ს. შინდისში მრავალწლიანი ბაღების საზაფხულო სხვა-ფორმირების თაობაზე USAID-ის პროგრამით გამართულ ტრენინგებს.

სამსახურის სპეციალისტების ორგანიზებით, 27 აგვისტოს გაიმართა ტრენინგი და „მინდვრის დღე“ კენკროვანი კულტურების დაფინანსების კომპონენტში მონაწილეობის მსურველი ფერმერებისა და მოქალაქეებისათვის;

საინფორმაციო-საკონსულტაციო ცენტრის თანამშრომლები 23-24 სექტემბერს დაესწრნენ ა(ა)იპ სოფლისა და სოფლის მეურნეობის განვითარების სააგენტოში გამართულ ტრენინგს თემაზე „აგრარული დარგის სამთავრობო პროგრამები“.

ოქტომბრის თვეში, ცენტრის სპეციალისტების ინიციატივით გაიმართა მუნიციპალიტეტის მცხოვრებელ ფერმერების შეხვედრა „თიბისი ბანკის“, „საქართველოს ბანკის“ და კომპანია „ნურთმაქისი“ წარმომადგენლებთან.

30 სექტემბერს, ქ. ხაშურში, გაიმართა ტრადიციული დღესასწაული „ხაშურ-ქალაქობა 2019“-ს რომელშიც მონაწილეობა სოფლის მეურნეობაში ჩართულმა, წარმატებულმა, ხაშურელმა ფერმერებმა მიიღეს. მათ მიერ წარმოდგენილია მრავალფეროვნა პოდუქციამ და მთავალიერებელთა დიდი მოწონება დაიმსახურა.

ცენტრის წარმომადგენელი, მუნიციპალიტეტის ფერმერებთან ერთად, 11 ოქტომბერს ქ. გორში, უფლისციხის ტერიტორიაზე, დაესწრო გარემოს დაცვისა და სოფლის მეურნეობის სამინისტროს ინიციატივით გამართულ - შიდა ქართლის რეგიონის აგროსაინვესტიციო ბიზნესფორუმს, რომელიც გაიმართა გაეროს სურსათისა და სოფლის მეურნეობის ორგანიზაციის (FAO), ავსტრიის განვითარების სააგენტოს (ADA) და აშშ-ის საერთაშორისო განვითარების სააგენტოს (USAID) მხარდაჭერით.

ცენტრის სპეციალისტების ორგანიზებით 17 ოქტომბრიდან 18 ნოემბრამდე ჩატარდა 10-დღიანი სწავლება მეფუტკრეობაში;

ცენტრის სპეციალისტებმა კენკროვანი კულტურების დაფინანსების ქვეკომპონენტის პროგრამაში მონაწილეობის მსურველი ფერმერებისათვის 1 ნოემბერს ჩაატარეს ტრენინგი თემაზე - კენკროვანი კულტურების მოვლა-მოყვანა-წარმოება;

6 ნოემბერს, მოეწყო სამსახურის სპეციალისტების შეხვედრა გაეროს სურსათისა და სოფლის მეურნეობის ორგანიზაცია FAO-ს მენეჯერთან და დარგის ექსპერტთან;

13 ნოემბერს მუნიციპალიტეტის მეწარმეებისა და ფერმერებისათვის ცენტრის ორგანიზებით BPN Georgia -ს წარმომადგენლებმა ჩაატარეს ტრენინგი თემაზე - ბიზნეს-გეგმების შედგენა და მარტივი საწარმო ბუღალტერია;

20 - 21 ნოემბერს ქ. გორში პროგრამა „დანერგე მომავლის“ კენკროვანი

(გაგრძელება. დასაწყისი იხ. „ბმ“#41,42,44,45,46,47)

ამრიგად, ინდური საქონელი მდ. ამუდარიით ჩაქონდათ კასპიის ზღვაში და იქიდან მტკვრით ამოქონდათ აღმოსავლეთ საქართველოში. აქედან კი უკვე ხმელეთით - სურამის უღელტეხილით - ეზიდებოდნენ დასავლეთ საქართველოში, სადაც საქონელი მდ. რიონით შავი ზღვის სანაპირო ქალაქებს, კერძოდ, ფაზისს ანუ ფოთს აღწევდა. სწორედ ამ გარემოებას უნდა განვიხილოთ სურამის ქალაქად ჩამოყალიბება, მისი ზრდა და განვითარება. აქედან გამომდინარე, შეგვიძლია, დავასკვნათ, რომ სურამის, როგორც ქალაქის აღმოცენება იწყება ძვ.წ. აღ-ის IV-III საუკუნეების მიჯნაზე, ხოლო III საუკუნის ბოლოსთვის მას უკვე მკვეთრად გამოხატული ქალაქური იერსახე უნდა მიეღო.

სხვათა შორის, ზემოთ აღნიშნული გზის არსებობასა და მდინარე მტკვრის სანაოსნო გამოყენებას ადასტურებს სოფ. ცხრამუხასთან ახლოს მდ. მტკვარში XIX ს-ის 90-იან წლებში ნაპოვნი გემის ღუზა. 1890 წლის 1 სექტემბერს გაზუთი „ივერია“ წერდა: „როგორც შევიტყუეთ ს. ცხრამუხას ახლო, გორის მახრამში, მტკვარში მეტივეებს უპოვნიათ ერთი ღუზა... სულ უძველეს დროს, როგორც ისტორიიდან ვიცით, მტკვარზე იაღქნიანი გემები დადიოდნენ და სურამს ახლო, ცხრამუხასა და ქვიშხეთს შუა, ნავთსადგური ყოფილა გამართული. ნაპოვნი ღუზა გემისაა. ეს ახლად (ნაპოვნი) ღუზა ცხადად ამტკიცებს ძველის ისტორიკოსების გარდმოცემას, რომ კასპიის ზღვიდან სურამამდე საქონელი გემებით გადაქონდათ და მტკვარი სანაოსნო მდინარე იყო“.

მოგვიანებით ამ ფაქტს „სახალხო გაზეთი“ მიუბრუნდა და 1913 წლის 9 იანვარს გამოაქვეყნა მღვდელ ქრისტოფორე ციციქოშვილის მცირე მოცულობის წერილი - „მტკვარში ნაპოვნი ღუზა“, რომელშიც ვკითხულობთ: „ქართულ საეთნოგრაფიო საზოგადოების დავალებით, 29 დეკემბერს 1912 წელს ავედი სურამის ახლო მდებარე სოფელ ბეკამში, სადაც მღვდელს იოანე ციციქოშვილს ჰქონდა შენახული ძველი ღუზა, რომ ეს ჩამომეტანა ტფილისში. ეს ღუზა უპოვნია ამ ოცდახუთი წლის წინად სოფელ სავანლის ტეზრის გლეხს ბადრიანოშვილს მდინარე მტკვარში სოფელ ტაშისკარის ახლო. ამ გლეხს ტივი მოქონებია, ტივი წამოსდებია ღუზის კაპს და გაჩერებულა. მეტივეს გაუთავისუფლებია ტივი და უნახავს წყლდამ ამოშვერილი რკინა. დაუბამს კამეჩები ამ რკინისათვის, გამოუთრევია ნაპირზე, წამოუღია შინ სავანლის-ტეზერში და დაუგდია თავის ეზოში. მერე ეს გლეხისათვის უცნაური რკინა უნახავს მღვდელს მამა იოანე ციციქოშვილს, შეუცვანია ღუზად, შესყიდინა და მოუტანა თავის სახლის ეზოში, სადაც ეგდო მას შემდეგ დღემდის. დღეს ეს ღუზა ჩამოტანილია ტფილისში და გადაცემულია საისტორიო-ეთნოგრაფიის საზოგადოებისადმი, რომელსაც დღევანდელმა პატრონმა ღუზისა უფასოდ შესწირა.

ღუზა წონი თ რვა ფუთია. ჰქონია ოთხი კაპი, რომელთაგან ორი მოსტეხია. სიგრძით იქნება ორი არშინი.

ჩემის ფიქრით წმინდა რკინისა არ უნდა იყოს, რადგანაც ჟანგს მაგრე რივად ვერაფერი დაუკლია.

თუ ეს რკინა მართლა ძველი დროის ღუზა გამოდგა, ძალიან შესანიშნავ ისტორიულ განძად ჩაითვლება, რადგანაც იგი იქნება დამამტკიცებელი საბუთი იმ ძველი ცნობისა, რომ უწინ გემები დადიოდნენ მდინარე მტკვარზე, და რომ გემებით ინდოეთის საქონელი ამოქონდათ სურამამდე. აქედან ხმელეთით გადაქონდათ შორაპნამდე და მერე ისევ გემებით ჩაქონდათ შავ ზღვამდე. ეს მდინარეები, უნდა ვიფიქროთ, მაშინ ერთი-სამად და ერთი-ხუთად მეტ იქნებოდა დღევანდელთან შედარებით. იმედია, მცოდნე პირები დაათვალიერებენ აღნიშნულ ღუზას და თავის აზრს გამოსთქვამენ“.

ზემოაღნიშნულთან ერთად, სურამის დაწინაურებას ხელს უწყობდა აგრეთვე ქართული სინამდვილეც. სურამზე გამავალი საქარავნო გზა აკავშირებდა და აახლოებდა აღმოსავლეთ, დასავლეთ და სამხრეთ საქართველოს რეგიონებსაც. შიდა საგაჭრო ურთიერთობებიც ამ გზით წარმოებდა, რაც თავის მხრივ ხელს უწყობდა სურამის დაწინაურებას.

სურამის ასეთმა სტრატეგიულმა მდებარეობამ, საერთაშორისო და საშინაო სავაჭრო-ეკონომიკურ ურთიერთობებში მისმა აქტიურმა ჩართვამ განაპირობა აქ ქალაქის წარმოშობა და განვითარება. აქედან გამომდინარე, შეიძლება ვივარაუდოთ, რომ აქ ციხე-სიმაგრე სწორედ სურამის ქალაქად გადაქცევისთანავე აიგო, რადგან ეს აუცილებლობით იქნებოდა გამოწვეული. კერძოდ, აუცილებლობას წარმოადგენდა სურამზე გამავალი გზების ხელტკივნა და კონტროლი, რომლის განხორციელებაც ციხე-სიმაგრის გარეშე შეუძლებელი იქნებოდა.

აქვე, სურამში, მისი გეოგრაფიული მდებარეობის გათვალისწინებით, იმთავითვე უნდა ვივარაუდოთ საბაჟოს არსებობაც, რაც შემდგომში, გვიანდელი პერიოდის არაერთი დოკუმენტით დასტურდება. როგორც ცნობილია, საბაჟო იქ არსებობს, სადაც ციხე-სიმაგრეა. ამავე პრინციპით უნდა ყოფილიყო გამართული საბაჟოები ხაშურის დღევანდელ რეგიონშიც. აქ არსებული სამივე საბაჟო ფუნქციონირებს იქ, სადაც ციხე-სიმაგრე, ან რაიმე თავდაცვითი ხასიათის ნაგებობაა (მაგალითად კოშკი). აღის საბაჟო-აღის ციხეშია, ტაშისკარისა-ტაშისკერის კოშკში, სურამის საბაჟოც, რა თქმა უნდა, სურამის ციხე-სიმაგრეში უნდა ყოფილიყო განთავსებული და მასზე დაყრდნობით მოეხდინა თავისი ფუნქციების განხორციელება.

ახალი წელთაღრიცხვის I საუკუნიდან, ვიდრე XI საუკუნემდე, სურამის შესახებ ცნობები არ მოგვეპოვება. ამიტომ ქართულ ისტორიოგრაფიაში, წერილობით წყაროებზე დაყრდნობით, გამოთქმულია მოსაზრება, რომ სურამი განვითარებული ფეოდალიზმის დასაწყისში - XI-XII საუკუნეებში წარმოშობილი ქალაქია.

უნდა ვიფიქროთ, რომ ამავე საუკუნეებიდან სურამი სამეფო კარის მიერ საგამგებლოდ გადაცემულია მასთან დაახლოებული ფეოდალური გვარისათვის, რომელიც სურამლების სახელით არის ცნობილი საქართველოს ისტორიაში.

XII საუკუნიდან XIV საუკუნის II ნახევრამდე სურამი და მისი ციხე-სიმაგრე სწორედ სურამელთა რეზიდენციას წარმოადგენდა.

მხარის მთავარ ციხე-სიმაგრეს წარმოადგენდა სურამის ცნობილი ციხე, რომლის ერთ-ერთი მთავარი დანიშნულება ზემოთ აღნიშნული გზების მეთვალყურეობა და ხელტკივნა იყო. ამაზე მიგვანიშნებს მისი მდებარეობაც. იგი თანაბრად აკონტროლებდა როგორც დასავლეთ საქართველოსკენ, ასევე სამხრეთ საქართველოსკენ მიმავალ გზებს.

სურამის ციხეს ნებისმიერ დროში დიდი სტრატეგიული დანიშნულება ჰქონდა ქვეყნის ცხოვრებაში. მასზე საინტერესო ცნობები გვხვდება ქართულ, თუ უცხოურ საისტორიო წყაროებში, რაც საფუძველს გვაძლევს შედარებით უფრო ვრცლად ვისაუბროთ მის თავგადასავლებზე, რომელიც მჭიდროდა დაკავშირებული იქნა ქვეყნის ისტორიასთან.

მის პოპულარობას ისიც უწყობს ხელს, რომ ლეგენდა ცოცხალი ადამიანის მის კედელში ჩაშენების შესახებ ბავშვობიდანვე შემოდის ჩვენს ცნობიერებაში. თუმცა ბევრმა არ იცის ის სინამდვილე, რაც დაკავშირებულია მასთან. მისი მოხერხებული მდებარეობა განაპირობებდა საუკუნეების მანძილზე მის სიძლიერეს, რაც მნიშვნელოვანს ხდიდა მის როლს ქვეყნის ცხოვრებაში, განსაკუთრებით კი გვიან ფეოდალურ ხანაში.

ციხე დაბის შუაგულშია „ამოზრდილი“ და ყველა მხრიდან შესანიშნავად მოხანს. ციხე ერთ დროს თავმოქმედდებოდა მთელ ზემო ქართლს და აქტიურად იყო ჩართული იმდროინდელი საქართველოს ძნელბედობით აღსავსე ცხოვრებაში. ბევრი შავი დღე გათენებია მის კედლებს, ბევრი მზიანი დღეც უნახავს ბევრჯერ დაუნგრევია და მიწასთან გაუსწორებია მტერს, ბევრჯერ მტერიც უძლევია და გამარჯვებულიც გამოსულა. მერე დრო იცვალა და სურამის ციხემაც თანდათან დაკარგა საუკუნეების მანძილზე ისტორიისაგან დაკისრებული დანიშნულება. მის გარშემო, ე.წ. სურამის ველზეც ბევრი რამ შეიცვალა... ახალმა ცხოვრებამ ბევრის მომსწრეს და მნახველს ახლა მხოლოდ და მხოლოდ სანახაობითი ფუნქცია დააკისრა. ამიტომაც რომ იგი თითქოს მარტო თავის თავისთვის არსებობს. ალბათ ამიტომაცაა, როცა თავის წარსულ ცხოვრებას იხსენებს, ნაღველი მოერევა ხოლმე ქონებრივად მის კედლებს... და მაინც, სურამის ციხე-სიმაგრე ისე ლამაზად არის „ჩაწერილი“ დაბაში და ისე უხდება მას, რომ სურამის წარმოდგენა მის გარეშე შეუძლებელია. წლებმა მის საციხიტო ბარათად აქცია.

ადგილობრივები გვიჩვენებენ ჩაშენებულ, ნოტიო კედელს, სადაც გადმოცემის მიხედვით, დედისერთა ვაჯი ჩააშენეს. მოგვიტოვებენ ხალხში გავრცელებულ ცნობილ ლეგენდასაც, რომლის თანახმადაც თურმე საქართველოს მეფეს ქვეყნის მტრებისაგან თავდასაცავად სასწაფოდ უნდა აეგო ციხე სურამში, მაგრამ ვერ იქნა და ვერ მოხერხდა მისი აშენება: რამდენჯერაც ამოიყვანეს კედლები, იმდენჯერ დაინგრა.

საგონებელში ჩაგარდა ვეზირი, რომელსაც მინდობილი ჰქონდა ციხის აგება. არ იცოდა, რა ექნა. ბოლოს ხალხმა ურჩია მკითხავე-სათვის მიემართა.

მკითხავს უთქვამს: ციხის კედლების გასამაგრებლად მსხვერპლი არისო საჭირო, თუ დედისერთა ვაჯს, სახელად ზურაბს. ჩაატანო კედელში, ციხეს ააშენებო და არასოდეს დაინგრევასო.

დიდხანს ეძებეს მსხვერპლი და ბოლოს, იქვე, სურამში იპოვეს დედისერთა ვაჯი, რომელსაც ზურაბი ერქვა სახელად. ლამის გაგვიდა უბედური დედა, მაგრამ რა ექნა, მტერი კარზე იყო მომდგარი, ქვეყანა იღუპებოდა და ათასობით კაცის გასაჭირთან რა მოსატანი იყო მისი პირადი გასაჭირი. გლოვის ზარით მიაცილა დედა თავის პირში ციხემდე დაიწვეს ციხის შენება.

-შვილო ზურაბ, სადამი?-კიოდა დედა
-ვაიმე, დედა, კოჭამდი! - ხმას აძლევდა შვილი.
-შვილო, ზურაბ, სადამი?
-ვაიმე, დედა, გუჭამდი!

-შვილო, ზურაბ, სადამი?
-ვაიმე, დედა, გუჭამდი!
-შვილო, ზურაბ, სადამი?
-ვაიმე, დედა, გავთავ... - ვეღარ დაასრულა სიტყვები ზურაბმა.
-შვილო, შვილო, ზურაბო... - ცას სწვდებოდა დედის ხმა. ზურაბი კი აღარსად ჩანდა.

ამოაშენეს კედელი, რომელიც სამშობლოსათვის დანთხეული სისხლით გამაგრდა და შემოსულ მტერს გარდაუვალ ზღუდედ აღემართა. მტერი დამარცხდა ხალხი ზეიმობდა გამარჯვებას, მხოლოდ უბედური დედა იღვა ციხის კედელთან...

ლეგენდა სურამის ციხის კედელში ადამიანის ჩაშენების შესახებ ბავშვობიდანვე შემოდის ჩვენს ცნობიერებაში. ამას ხელს უწყობს ამ ლეგენდის მხატვრული გააზრებაც, რომელიც დ. ჭონქაძემ მოგვცა თავის ცნობილ მოთხრობაში „სურამის ციხე“. ამ მოთხრობის წყალობით იმდენად პოპულარული გახდა ეს ლეგენდა, რომ მსგავსი შინაარსისა და სიუჟეტის სხვა თქმულებები თითქმის უცნობია ფართო საზოგადოებისათვის. არადა, სურამის ციხის ლეგენდის მსგავსს, თითქმის იდენტურ თქმულებებსა და გადმოცემებს, მრავლად იცნობს როგორც ქართული, ასევე მსოფლიოს მრავალი ხალხის ფოლკლორი. საერთაშორისო გავრცელების თვალსაზრისით იმდენად არის ცნობილი ციხე-სიმაგრის (ეკლესიის, ხიდის, ქალაქის) მშენებლობისას კედელში ჩაშენებული მსხვერპლის სიუჟეტი, რომ მკვლევარები მას „მოხეტიალე“ სიუჟეტების რიცხვს აკუთვნებენ.

როგორც ცნობილია, საუკუნეების განმავლობაში, სხვადასხვა ხალხი მჭიდროდ იყო დაკავშირებული ერთმანეთთან პოლიტიკური, ეკონომიკური თუ კულტურული თვალსაზრისით. ამ მხრივ, თვალსაჩინოა მათი ერთმანეთზე ზეგავლენა, რისი შედეგიცაა ის, რომ ამ ხალხების შემოქმედება ძალიან ემსგავსება ერთმანეთს, მაგრამ ეს მსგავსება მარტო ასეთი კავშირით არ ხდება, არამედ უბრალოდ არ აისხნება. აქ განსათვალისწინებელია აგრეთვე ის ერთნაირი სოციალური პირობებიც, რომელშიც სხვადასხვა ხალხს უხდებოდა ცხოვრება და აზროვნება. „სიუჟეტური დამთხვევა“ - აღნიშნავს აკად. კ. კეკელიძე. - სოციალური ნათესაობის შედეგია. ერთსა და იმავე სოციალურ პირობებს სხვადასხვა, ერთიმეორისგან დაშორებულ ქვეყანაში შეუძლია მსგავსი იდეოლოგიური, ზედნაშენობრივი მოვლენები, კერძოდ, სიუჟეტი წარმოშვას“.

სწორედ ამის შედეგი უნდა იყოს კედელში ჩაშენებული მსხვერპლის სიუჟეტის ფართო გავრცელება მსოფლიოს სხვადასხვა ხალხის ფოლკლორში.

საქართველოშიც, სურამის ციხის ლეგენდის მსგავსი შინაარსის არაერთი თქმულება ცნობილი ფოლკლორისტიკისათვის.

რაჭაში, ერთ პატარა, მთის კლდოვან მწვერვალზე დგას „მინდა ციხე“, ანუ „მინდლის ციხე“. ამ ციხის შესახებ არსებული ლეგენდის მიხედვით, მისმა მშენებლებმა ვერ იქნა და ვერ ამოიყვანეს კედლები, სანამ შიგ პატარა ბიჭი არ ჩააშენეს. მსხვერპლი გვარად მინდელი ყოფილა, საიდანაც შემდგომ წარმოსდგა ციხის სახელწოდებაც.

ასეთივე შინაარსის ლეგენდაა ჩაწერილი იმერეთშიც, კერძოდ ხონის ეკლესიის მშენებლობასთან დაკავშირებით, ლეგენდაში მხოლოდ კენტისყრის მომენტია ახალი, სხვა მხრივ კი იგი სურამის ციხის ლეგენდის იდენტურია. კედელში ჩაშენებული მსხვერპლის შერჩევისას კენტის დედისერთა ჭაბუკს ლევან ბახტაძეს შეხვდა. იგი დაიტრეს და დაუწვეს კედელში ჩაშენება. ამ შემთხვევაშიც სურამის ციხის ლეგენდის მსგავსად, დედა-შვილს შორის იმართება დიალოგი. დედა ეკითხება: „შვილო ლევან, სადამი?“ დედა-შვილს შორის კითხვა-პასუხი მანამდე გრძელდება, სანამ ლევანის თავზე კედელი არ გადაიყვანეს. დედა მწუხარე ლექსით ეთხოვება შვილს: „ჩემო შვილო ლევანო, მარგალიტის მტევანო“.

კახეთში ჩაწერილი თქმულების მიხედვით, ქალაქ სიღნაღის ციხე-გალავნის მშენებლობამაც დედისერთა ვაჯი მოითხოვა მსხვერპლად.

სამეგრელოში სოფელ ილორის წმინდა გიორგის ეკლესია მანამდე ვერ ააშენეს, სანამ მის კედელში და-ძმა კუპრავეები არ ჩაატანეს.

აფხაზეთში, ზღვის პირად, ცნობილი კელასურის კედელი მხოლოდ მას შემდეგ ამოიყვანეს, როცა შიგ ქალი და ძროხა ჩააშენეს.

მსგავსი შინაარსის თქმულებები გავრცელებულია მსოფლიოს სხვა ხალხთა ფოლკლორშიც. მას იცნობს: რუმინული, უნგრული, სერბიული, გერმანული, ბერძნული, ოსური, ბულგარული, სპარსული, იაპონური, ინდური, ბირმული ფოლკლორი და სხვა.

თამაზ ლაცაბიძე

(გაგრძელება იქნება)

(დასასრული)

კულტურების დაფინანსების ქვეკომპონენტის მონაწილეებისათვის ჩატარდა ორდღიანი ტრენინგი;

- ცენტრის სპეციალისტის ხელმძღვანელობით, მუნიციპალიტეტის ფერმერები 21 ნოემბერს ქ. თბილისში დაესწრნენ საგამოფენო ცენტრ „ექსპო ჯორჯიას“ პავილიონებში მოწყობილ სოფლის მეურნეობის, კვების მრეწველობის, გადამამუშავებელი და შემფუთველი ტექნოლოგიების გამოფენას და თემატურ კონფერენციას;

- ცენტრის სპეციალისტები დაესწრნენ 26 ნოემბერს, ქ. გორში, შიდა ქართლის რეგიონალურ სამსახურში FAO-ს პროგრამით ჩატარებულ ტრენინგს თემაზე - ფერმერთა სავაჭრო სკოლის კონცეფციისა და მეთოდოლოგიის გაცნობა, შესავალი ფერმერთა სავაჭრო სკოლების მეთოდოლოგიასთან დაკავშირებით.

- 5 დეკემბერს საინფორმაციო-საკონსულტაციო ცენტრის სპეციალისტებმა მონაწილეობა მიიღეს ქ. გორში ა(ა)იპ სოფლისა და სოფლის მეურნეობის სააგენტოს ხელმძღვანელ მუშაკებთან გამართულ შეხვედრაში;

- 25 დეკემბრიდან დაიწყო ტრენინგები მეფუტკრეობით დაინტერესებული მოქალაქეთა მორიგი ჯგუფისათვის, მეცადინეობას სისტემატურად ესწრება 10-12 ბენეფიციარი.

საინფორმაციო-საკონსულტაციო ცენტრის ჩართულობით, ივლისის თვეში ჩამოყალიბდა ერთი სასოფლო-სამეურნეო კოოპერატივი „საბა“, რომელსაც სასოფლო-სამეურნეო კოოპერატივების სააგენტომ მიანიჭა სათანადო სტატუსი.

- ცენტრის სპეციალისტების აქტიური მონაწილეობით მუნიციპალიტეტში, ივლისის თვეში, დამატებით შემოყვანილი იქნა 6 ერთეული კომბაინი და წარმატებით ჩატარდა თაუთავიანი კულტურების მოსავლის აღება;

- ოპერატიულად ხდებოდა სასოფლო-სამეურნეო ტექნიკასთან დაკავშირებული პრობლემების აღმოფხვრა შპს „მექანიზატორის“ აგარის სერვისცენტრის წარმომადგენლების მონაწილეობით;

გენლების მონაწილეობით;

- ცენტრის მუშაკების ჩართულობით, შპს მელიორაციის ქარელის სერვისცენტრის მიერ სოფ. ცხრაძეში აღდგა დაზიანებული წყლის გამტარი ღარული სისტემა და სარწყავი წყლით უზრუნველყოფილ ფართობებს დაემატა 20 ჰექტარი.

სისტემატური ხასიათი ჰქონდა მუნიციპალიტეტის ადმინისტრაციულ ერთეულებში მერის წარმომადგენლებთან ყოველი კვირის სამშაბათს დაგეგმილ საინფორმაციო შეხვედრებს;

კოლეგიალური და საქმიანი ურთიერთობა გვაქვს საქართველოს პარლამენტის წევრის აპარატის, მუნიციპალიტეტის საკრებულოს თანამშრომლებთან და მერიის სამსახურებთან.

გაგრძელდა, საველე ლაბორატორიის გამოყენებით, ნიადაგისა და სარწყავი წყლის ნიმუშებში ანალიზების ჩატარება და შესაბამისი რეკომენდაციების გაცემა.

დაინტერესებული პირები აგრარულ სფეროში არსებული მოწინავე ტექნოლოგიების შესახებ მათთვის საქმიან ინფორმაციას იძლევენ მუნიციპალიტეტის მერიის შენობაში დამონტაჟებული მონიტორის მეშვეობით;

მუნიციპალიტეტის აგრარულ ბაზრებზე, სასოფლო-სამეურნეო პროდუქტების საბითუმო და საცალო ფასების შესახებ, ინფორმაციის შესაგროვებლად მოეწყო 52 გასვლა ადგილებზე, გაანალიზებული და დამუშავებული ინფორმაცია მიეწოდა გარემოს დაცვისა და სოფლის მეურნეობის სამინისტროს შესაბამის სამსახურს.

ცენტრის სპეციალისტებმა მოამზადეს მასალები სრული განახლებადი საინფორმაციო ბაზების შესადგენად, მონაცემები ბაზების შესახებ ვადების დაცვით გადაიზარდა რეგიონალურ სამსახურში.

მოსახლეობის შესაბამისად, შესრულებულია ყველა სამსახურებრივი დავალება. ა(ა)იპ „სოფლისა და სოფლის მეურნეობის სააგენტოს“ ხაშურის საინფორმაციო-საკონსულტაციო ცენტრი

ა ნ გ ა რ ი შ ი ხაშურის მუნიციპალიტეტის მერიის იურიდიული უზრუნველყოფის სამსახურის მიერ 2019 წელს გაწეული მუშაობის შესახებ

საანგარიშო პერიოდში სამსახური ახორციელებდა მასზე დაკისრებულ სხვადასხვა სამსახურებრივ ფუნქციებს, მათ შორის: მოცემულ პერიოდში საქართველოს სამოქალაქო და ადმინისტრაციული სამართალწარმოების კანონმდებლობით გათვალისწინებული საქმისწარმოების წესით სასამართლოში წარმართა საქმეები, რომლებშიც ხაშურის მუნიციპალიტეტის მერია სხვადასხვა ინსტანციების სასამართლოებში წარმოდგენილი იყო როგორც მოსარჩელის, ასევე მოპასუხის სახით (მომზადებული იქნა სარჩელები და შესაგებებები). საანგარიშო პერიოდში, სასამართლო წარმოებაში იყო 47 სხვადასხვა სამართალწარმოების საქმე, საიდანაც 19 იყო ადმინისტრაციული სამართალწარმოების, 17- სამოქალაქო სამართალწარმოების, 6 - ადმინისტრაციულ სამართალდარღვევათა კოდექსით და 5 - ნარჩენების მართვის კოდექსით გათვალისწინებული სამართალწარმოების საქმე. სასამართლო წარმოებაში არსებული აღნიშნული 47 საქმიდან 30 საქმე დასრულდა და შევიდა კანონიერ ძალაში. მათგან 20 საქმე გადაწყდა მუნიციპალიტეტის მერიის სასარგებლოდ, 4 საქმე დამთავრდა მორიგებით (რომლის პირობებითაც მოცემული საქმეები, ფაქტობრივად, გადაწყდა მუნიციპალიტეტის კანონიერი ინტერესების სასარგებლოდ). 4 საქმე გადაწყდა მოწინააღმდეგე მხარის სასარგებლოდ, ხოლო 2 საქმეზე შეწყდა წარმოება. ჩამოთვლილი საქმეებიდან ადმინისტრაციული და სამოქალაქო სამართალწარმოების 19 საქმე შევიდა კანონიერ ძალაში, საიდანაც 11 მუნიციპალიტეტის სასარგებლოდ გადაწყდა, 4 საქმე დასრულდა მორიგებით, რომლის პირობებითაც მოცემული საქმეები ფაქტობრივად გადაწყდა მუნიციპალიტეტის კანონიერი ინტერესების სასარგებლოდ. ხოლო 4 საქმე დასრულდა მოწინააღმდეგე მხარის სასარგებლოდ. ადმინისტრაციულ სამართალდარღვევათა კოდექსით გათვალისწინებული სამართალდარღვევის საქმეებზე კანონიერ ძალაში შესული 6 საქმიდან 5 გადაწყდა მუნიციპალიტეტის სასარგებლოდ (სამართალდამრღვევაში ბრალეულად იქნენ ცნობილი დამრღვევი პირები), ხოლო 1 საქმეზე შეწყდა წარმოება. ნარჩენების მართვის კოდექსით გათვალისწინებული სამართალდარღვევის საქმეებზე კანონიერ ძალაში შესული 5 საქმიდან 4 გადაწყდა მუნიციპალიტეტის სასარგებლოდ (სამართალდამრღვევაში ბრალეულად იქნენ ცნობილი დამრღვევი პირები), ხოლო 1 საქმეზე შეწყდა წარმოება. დღეისათვის სასამართლო წარმოებაში მიმდინარეა 17 საქმე, მათგან 11 ადმინისტრაციული სამართალწარმოების საქმეა, ხოლო 6 სამოქალაქო სამართალწარმოების საქმე. აღნიშნულიდან, 11 საქმეზე განხილვა მიმდინარეობს ხაშურის რაიონულ სასამართლოში, 5 საქმე განხილვა თბილისის სააპელაციო სასამართლოში, ხოლო 1 საქმე განხილველად გადაგზავნილია საქართველოს უზენაეს სასამართლოში.

ამასთანავე, სხვადასხვა სამართალდამცავი ორგანოების წარმოებაში არსებულ სისხლის სამართლის საქმეებზე (4 სისხლის სამართლის საქმე) სამსახური ახორციელებდა და განაგრძობს წარმომადგენლობით უფლებამოსილებას და მერიის კანონიერი ინტერესების დაცვას. ამასთანავე, მუნიციპალიტეტი მესამე პირად არის ჩართული 4 სხვადასხვა საქმეზე და იურიდიული უზრუნველყოფის სამსახური ახორციელებს მერიის კანონიერი ინტერესების დაცვას.

საანგარიშო პერიოდში, მერიის იურიდიული უზრუნველყოფის სამსახურმა სამართლებრივ დაცვას უზრუნველყვა გაუწიის სამხედრო აღრიცხვისა და გაწვევის სამსახურის მიერ საქართველოს კანონის „საქართველოს ადმინისტრაციულ სამართალდარღვევათა კოდექსის“ 1971 მუხლით (სამხედრო ვალდებულების მოხდისთვის თავის არიდების მიზნით სამხედრო სავალდებულო სამსახურში გამწვევ კომისიაში გამოუცხადებლობა) გათვალისწინებულ სამართალდამრღვევათა მიმართებაში. ასევე, მიმდინარე პერიოდში, ზედამხედველობის სამსახურის მიერ საქართველოს კანონის „პროდუქტის უსაფრთხოებისა და თავისუფალი მიმოქცევის კოდექსის“ 43-ე (უნებართვო მშენებლობის, რეკონსტრუქციის ან/და დემონტაჟის წარმოება) და 45-ე (სანებართვო პირობების დარღვევა ან/და შეუსრულებლობა) მუხლების დარღვევების გამო, 26 ფაქტზე მოხდა შესაბამისი რეაგირება (დაჯარიმება), სადაც იურიდიული უზრუნველყოფის სამსახურის მიერ გაწეული იქნა შესაბამისი სამართლებრივი დაცვები.

პარალელურ რეჟიმში, სამსახურის მიერ, მუდმივად ხორციელდება მუნიციპალიტეტის ყველა სამსახურის მიერ მომზადებული ადმინისტრაციულ-სამართლებრივი აქტების, ადმინისტრაციული ხელშეკრულებების, შემოსული კორესპონდენციის ვიზირება და პრობლემატურ საკითხებთან დაკავშირებით სამართლებრივი დასკვნების მომზადება. საანგარიშო პერიოდში, იურიდიული უზრუნველყოფის სამსახურის მიერ, ეკონომიკური განვითარების, განათლების, კულტურის და სპორტის, საბიუჯეტო და მერიის სხვა სამსახურებიდან შემოსულის დოკუმენტაციის საფუძველზე, მომზადებულია 72 მოსხენებით ბარათი, რომელიც ეხებოდა მერიის სამსახურების კომპეტენციას მიკუთვნებულ სხვადასხვა საკითხებს და მათზე საჭირო გახდა შესაბამისი სამართლებრივი დასკვნების

მომზადება.

იურიდიული უზრუნველყოფის სამსახურმა, საანგარიშო პერიოდში, საკრებულოს სხდომაზე განსახილველად წარადგინა 2 პროექტი. სამსახური აგრეთვე აქტიურად იყო ჩართული სოფლის მხარდაჭერის პროგრამების განხორციელებაში და უწევდა სათანადო სამართლებრივ უზრუნველყოფას პროგრამის მიმდინარეობის ყველა ეტაპს.

საანგარიშო პერიოდში, სამსახურის უშუალო ჩართულობით, სხვადასხვა სამართალწარმოების საქმეებზე სახელმწიფო ბიუჯეტისა და მუნიციპალიტეტის ბიუჯეტის სასარგებლოდ, გარკვეული სამართალდარღვევის ჩადენის ფაქტებისა და კანონმდებლობით გათვალისწინებული ვალდებულებების შეუსრულებლობის გამო, სასამართლო გადაწყვეტილებების საფუძველზე, მხარეებს მუნიციპალიტეტის სასარგებლოდ დაეკისრათ ჯამში 124 603 (ასოცდაათხუთათას ექვსასსამი) ლარი, საიდანაც მუნიციპალიტეტის ბიუჯეტის ანგარიშზე ასახულია - 66 000 ლარი, 34 527 ლარი კანონიერ ძალაში შესული გადაწყვეტილებები აღსასრულებლად მიქცეულია აღსრულების ეროვნულ ბიუროში და მათზე მიმდინარეობს სააღსრულებო წარმოება, ხოლო მუნიციპალიტეტის სასარგებლოდ 25 000 ლარის დაკისრების შესახებ სასამართლო გადაწყვეტილება კანონიერ ძალაშია შესასვლელი. სხვადასხვა სამართალწარმოების წესით, ამჟამად მიმდინარე საქმეებში იურიდიული უზრუნველყოფის სამსახური აქტიურადაა ჩართული მუნიციპალიტეტის სასარგებლოდ მიწოდებულთან და სხვადასხვა სახის სამართალდამრღვევებთან მიმართებაში, მათზე კანონმდებლობით განსაზღვრული თანხების ამოღების - სასამართლოს მიერ დაკისრებისა და აღნიშნული თანხების ამოღების გაპრობლემების შემთხვევაში აღსრულების ეროვნულ ბიუროსთან მჭიდრო თანამშრომლობით.

იურიდიული უზრუნველყოფის სამსახური ჩართული იყო ადმინისტრაციულ-სამართლებრივი აქტების პროექტების მომზადების პროცესში. სამსახურის მიერ მუდმივად ხდება მუნიციპალიტეტისათვის მომართულ მოქალაქეთათვის სამართლებრივი კონსულტაციის გაწევა როგორც წერილობითი ფორმით, ასევე ზეპირად. საანგარიშო პერიოდში სამსახური უზრუნველყოფდა წარმომადგენლობას სხვადასხვა სახელმწიფო ორგანიზაციებში.

სამსახური სისტემატურ რეჟიმში ჩართულია მერიაში შექმნილი კომისიების (დელეგირებული უფლებამოსილებების ფარგლებში შექმნილი) და სამუშაო ჯგუფების მუშაობაში, მათ შორის:

- 1. „ხაშურის მუნიციპალიტეტის ტერიტორიაზე ფიზიკური და კერძო სამართლის იურიდიული პირების მიერ თვითნებურად დაკავებულ მიწის ნაკვეთებზე საკუთრების უფლების აღიარების კომისია“.
- 2. „მოქალაქეობის დადგენის მიზნით, პირის ხაშურის მუნიციპალიტეტის ტერიტორიაზე ცხოვრების (ყოფნის) ფაქტის დამდგენი კომისია“.
- 3. „ხაშურის მუნიციპალიტეტის ტერიტორიაზე სტიქიური მოვლენების შედეგების შემსწავლელი სამუშაო ჯგუფი“.
- 4. „ხაშურის მუნიციპალიტეტის მერიის საკონკურსო კომისია“.
- 5. „ხაშურის მუნიციპალიტეტის ტერიტორიაზე რეგისტრირებული ზოგიერთი კატეგორიის მოსახლეობის სამედიცინო მომსახურების თანადაფინანსების შესაძლებლობის, მიზანშეწონილობისა და მოცულობის განმსაზღვრელი კომისია“.
- 6. „ხაშურის მუნიციპალიტეტის სატენდერო კომისია“.
- 7. „ზედამხედველობის სამსახურში კომპეტენციით მიკუთვნებული საკითხების შესწავლისა და განხილვის სამუშაო ჯგუფი“.
- 8. „მადლმითან დასახლებაში მცხოვრებთა სტატუსის მართვის საბჭო“.

იურიდიული უზრუნველყოფის სამსახური, მერიის ადმინისტრაციულ სამსახურთან ერთად, ჩართული იყო ხაშურის მუნიციპალიტეტის მერიის მიერ 2019 წლის 4 თებერვალს, 26 ივნისს და 9 დეკემბერს გამოცხადებული კონკურსების ორგანიზებასა და მიმდინარეობაში. იურიდიული უზრუნველყოფის სამსახური სისტემატურად ახორციელებს მუნიციპალიტეტის მერიის შესაბამისი სამსახურების (ზედამხედველობის სამსახური, სამხედრო აღრიცხვისა და გაწვევის სამსახური) მიერ გამოვლენილ საქართველოს ადმინისტრაციულ სამართალდარღვევათა კოდექსით გათვალისწინებულ სამართალდარღვევათა ფაქტების აღრიცხვიანობას შსს-ს შესაბამისი საინფორმაციო მონაცემთა ბაზაში. საანგარიშო პერიოდში სამსახურის მიერ საინფორმაციო ბაზაში შეტანილია 34 (ოცდაათოთხეტი) ადმინისტრაციული სამართალდარღვევის ოქმის მონაცემები.

მოქმედი კანონმდებლობის ცვლილებების პარალელურად, სამსახურებრივი საქმიანობის სპეციფიკიდან და სტატისტიკიდან გამომდინარე, სამსახური მუდმივ რეჟიმში ახორციელებს მერის ინდივიდუალურ ადმინისტრაციულ სამართლებრივ აქტებში, მერიის დებულებასა და მუნიციპალიტეტის მერიის პირველადი სტრუქტურული ერთეულების - სამსახურების დებულებებში ცვლილებების შეტანას, ასევე მუნიციპალიტეტის მიერ დაფუძნებული არასამეწარმეო (არაკომერციული) იურიდიული პირების წესდებების შესაბამისობაში მოყვანას მოქმედ კანონმდებლობაში განხორციელებული ცვლილებების შესაბამისად.

დავით ღვალაძე,
ხაშურის მუნიციპალიტეტის მერიის
იურიდიული უზრუნველყოფის სამსახურის ხელმძღვანელი

ხაშურის მუნიციპალიტეტის სოფელ ხცისში, მდინარე ხციულას წმინდის სამუშაოები მიმდინარეობს



ადგილზე იმყოფებოდნენ და მიმდინარე პროცესებს აკვირდებოდნენ ხაშურის მუნიციპალიტეტის მერი გიორგი გურასპაშვილი, მერის მოადგილე ზვიად ქურდაძე და ა(ა) იპ „ხაშურსერვისის“ ხელმძღვანელი ნუკრი ცხორებაძე.
მათი განმარტებით, სამუშაოები, რომლებსაც ა(ა)იპ „ხაშურსერვისი“ ახორციელებს, შესაძლო სტიქიის პრევენციისთვის მნიშვნელოვან წინაპირობას წარმოადგენს და ადგილობრივებისთვის განსაკუთრებული მნიშვნელობისაა.



მრავალშვილიანი და სოციალურად დაუცველი ოჯახები დასაჩუქრდნენ

ხაშურის მუნიციპალიტეტში მრავალშვილიანი და სოციალურად დაუცველ ოჯახებს საახალწლო საჩუქრები შიდა ქართლის მხარეში სახელმწიფო რწმუნებულის მოადგილემ ამირან ქრისტესიაშვილმა გადასცა. საქველმოქმედო აქციაში მონაწილეობას იღებდნენ ხაშურის მუნიციპალიტეტის მერი გიორგი გურასპაშვილი და მუნიციპალიტეტის საკრებულოს თავმჯდომარე მიხეილ ჯანაშვილი.

საახალწლო საჩუქრები - პატარებს

გამყოფი ხაზის მიმდებარე სოფლებში, წადვლსა და ჩორჩანაში მცხოვრებმა პატარებმა საახალწლო საჩუქრები მიიღეს.



წადვლის ალტერნატიული საბავშვო ბაღის 18 აღსაზრდელს და წადვლსა და ჩორჩანაში მცხოვრებ დაწყებითი კლასების 31 მოსწავლეს საჩუქრები ხაშურის მუნიციპალიტეტის მერმა გიორგი გურასპაშვილმა, მერის პირველმა მოადგილემ ზვიად ქურდაძემ, კულტურის სამსახურის ხელმძღვანელმა კოტე ფრუიძემ, ხაშურის მუნიციპალიტეტის საკრებულოს წევრმა ჯონდო კაპანაძემ და წადვლში მერის წარმომადგენელმა ვაჟა ლომიძემ გადასცეს.
ე.წ. გამყოფი ხაზის მიმდებარე სოფლებში მცხოვრები პატარებისთვის საახალწლო საჩუქრების გადაცემა ტრადიციულ ხასიათს ატარებს და მუნიციპალიტეტის მერიის მხარდაჭერით ხორციელდება.

სწუმრად “მომავლის სახლში”


შშმ ბავშვთა ცენტრ “მომავლის სახლის” და ხაშურის მეორე სკოლასთან არსებული დღის მოვლის ცენტრის ბენ-



ეფიციარებს ხაშურის მუნიციპალიტეტის მერმა გიორგი გურასპაშვილმა, მერის პირველმა მოადგილე ზვიად ქურდაძემ და მერიის განათლების, კულტურის და სპორტის სამსახურის ხელმძღვანელმა კოტე ფრუიძემ დამდეგი ახალი წელი მიულოცეს და საჩუქრები გადასცეს.
მუნიციპალიტეტის მიერ შშმ ბავშვების მხარდაჭერა უკვე ტრადიციულ ხასიათს ატარებს და ეს ტრადიცია სამომავლოდც გაგრძელდება, - აღინიშნა დასაჩუქრებისას.
ცენტრ “მომავლის სახლის” და ხაშურის მეორე სკოლასთან არსებული დღის მოვლის ცენტრის ბენეფიციართა დასაჩუქრება ხაშურის მუნიციპალიტეტის მერიის განათლების, კულტურისა და სპორტის სამსახურის ორგანიზებით და მხარდაჭერით მოეწყო

საახალწლო საქველმოქმედო აქცია სოციალურად დაუცველი მოქალაქეებისათვის

ხაშურის მუნიციპალიტეტის მერიის და საკრებულოს ინიცირებით საახალწლო საქველმოქმედო აქცია მოეწყო.
აქციის ფარგლებში მუნიციპალიტეტში მცხოვრებ უკიდურესი საჭიროებების მქონე მოქალაქეებს საახალწლოდ საკვები პროდუქტები და ტკბილეული გადაეცათ.
მოქალაქეებს დამდეგი ახალი წელი მიულოცეს და საჩუქრები გადასცეს ხაშურის მუნიციპალიტეტის მერმა გიორგი გურასპაშვილმა, მუნიციპალიტეტის საკრებულოს თავმჯდომარემ მიხეილ ჯანაშვილმა, მერის პირველმა მოადგილემ ზვიად ქურდაძემ და მუნიციპალიტეტის სხვა წარმომადგენლებმა.
საქველმოქმედო აქცია მუნიციპალიტეტის მხარდაჭერით განხორციელდა.
მუნიციპალიტეტის მერია და საკრებულო მადლობას უხდის ყველა იმ თანამშრომელს, რომლებმაც ბიუჯეტით გათვალისწინებული ხარჯების გარდა, პირადი წვლილი შეიტანეს ქველმოქმედებაში.



დახმარება - იძულებით გადაადგილებულ პირებს

ხაშურის მუნიციპალიტეტში მცხოვრებმა იძულებით გადაადგილებულმა და სოციალურად დაუცველმა (0-20 000 ჟელა) ოჯახებმა მუნიციპალიტეტის მე-



რისგან საახალწლოდ საკვები პროდუქტები მიიღეს.

პროდუქტების გადაცემის პროცესს მუნიციპალიტეტის მერი გიორგი გურასაძე, მერის პირველი მოადგილე ზვიად ქურდაძე და მერიის ჯანმრთელობის დაცვისა და სოციალური უზრუნველყოფის სამსახურის ხელმძღვანელი გიორგი ცერცვაძე დაესწრნენ.

მერიისგან საახალწლოდ საკვები პროდუქტებით დახმარება დევნილმა და სოციალურად დაუცველმა 710-მა ოჯახმა მიიღო.



დაჯილდოვდნენ წარმატებული სპორტსმენები

ხაშურის მუნიციპალიტეტის სასპორტო სკოლაში, 2019 წელს, სპორტის სფეროში გამორჩეული მოღვაწეობისთვის, ხაშურის სახელით მოასპარევე წარმატებული სპორტსმენები და მწვრთნელები დააჯილდოვეს.

ხაშურის მუნიციპალიტეტის საკრებულოს თავმჯდომარე მიხეილ ჯანაშვილი, მერის პირველი მოადგილე ზვიად ქურდაძე და სასპორტო სკოლის ხელმძღვანელმა ივანე ხარაზიშვილმა, მუნიციპალიტეტის სახელით, ფულადი ჯილდოები გადასცეს სპორტსმენებს: ლუკა მისურაძეს, გიორგი მესხრიშვილს, გიორგი გელაშვილს, გიორგი ნოზაძეს, გიორგი ქვრივიშვილს, ზაური დვალაშვილს, მიშიკო ნოზაძეს, ლევან ქელესაშვილს, თამარ პაპუაშვილს.

მწვრთნელებს: მალხაზ ნოზაძეს, ზაური ღონდაძეს, ბეგლარ ხარშილაძეს, ბუხუტი ბუხრიკიძეს, ომარ ლომიძეს და ირაკლი ბითაძეს.

მუნიციპალიტეტის ხელმძღვანელმა პირებმა მათ დამდეგი შობა-ახალი წელი მიულოცეს და მომავალშიც წარმატებები უსურვეს.

დაჯილდოების ღონისძიების ორგანიზატორი იყო ხაშურის მუნიციპალიტეტის მერიის განათლების, კულტურის და სპორტის სამსახური.

- ჭადრაკი -

მწვრთნელისა და შეგირდის წარმატება

ახალი წლის წინა დღეებში, გორში, გაიმართა რეგიონული ტურნირი ჭადრაკში, რომელშიც 12 წლამდე მოჭადრაკეები იღებდნენ მონაწილეობას. ტურნირში წარმატებით ითამაშა ჩვენი მუნიციპალიტეტის წარმომადგენელმა გიორგი ქოქოშვილმა, რომელსაც სულ მცირედი დააკლდა ჩემპიონობამდე, თუმცა მესამე საპრიზო ადგილიც საპატიოა.



როგორც სპეციალისტებმა აღნიშნეს, გიორგი ძალიან პერსპექტიული და სწრაფმზარდი მოჭადრაკეა და მისგან, მომავალში, უფრო დიდ წარმატებას ველით.

აღნიშნული შეჯიბრის პარალელურად, გაიმართა ბლიც-ტურნირიც, რომელშიც მონაწილეობას გიორგის მწვრთნელი-ალექსანდრე ჭადაშვილი და ჩვენი მუნიციპალიტეტის კიდევ ერთი წარმომადგენელი-ნუგზარ გოგლაძეც იღებდნენ მონაწილეობას. მათ მართლაც შესანიშნავად იასპარეხეს-ალექსანდრე ჭადაშვილი ჩემპიონი გახდა, ხოლო ნუგზარმა ბრინჯაოს მედალი მოიპოვა. ამ შედეგებით კიდევ ერთხელ დადასტურდა, რომ ხაშურის საჭადრაკო სკოლა რეგიონში მოწინავე პოზიციებზეა და მომავალი თაობაც შესანიშნავი გვეზრდება.

- ფერწერა -


გიორგი სუხიაშვილი: 2019 წელი, შემოქმედებითად, ნამდვილად ნაყოფიერი იყო...



- 2019 წელი საკმაოდ წარმატებული აღმოჩნდა თვითნასწავლი მხატვრისა და მუსიკოსის, გიორგი სუხიაშვილისთვის. მიუხედავად იმისა, რომ გიორგიმ ხატვა სერიოზულად ცოტა ხნის წინ დაიწყო, უკვე რამდენიმე წარმატებული გამოფენის ავტორია. ცნობილი მხატვრებიც დადებით რეკომენდაციებს აძლევენ მის ნახატებს. მას შემდეგ, რაც გიორგი ჩვენი გაზეთის რესპონდენტი იყო, მის ცხოვრებაში ბევრი სიახლე მოხდა, რაზეც გიორგი თვითონ ისაუბრებს:

- შემოქმედებითად ნამდვილად ნაყოფიერი გამოდგა 2019 წელი. ხაშურში, კაფე „მავნიფიკოში“ შედგა გამოფენა, სადაც ჩემს ნამუშევრებთან ერთად, ჩემი მეგობრის ნამუშევრებიც გამოფენეთ. ამის შემდეგ, სასტუმრო „ივერიაში“ გაიმართა საქველმოქმედო ღონისძიება, სადაც 6 ნახატი გაიყიდა. გორის დღეებთან დაკავშირებით, გორის მერიის ინიციატივით გამართულ ღონისძიებაზეც მივიღე მონაწილეობა. საქართველოს ეროვნულმა უნივერსიტეტმა, გააკეთა პროექტი „100 გონება“, სადაც 100 მხატვარმა გამოფენით საკუთარი ნამუშევრები. მოეწყო საკუთარი სივრცეები. ხელოვნებათმცოდნეები, მხატვრები, მსახიობები მოდიოდნენ გამოფენებზე. ჩემს ნამუშევრებს ძალიან კარგი შეფასებები მოჰყვა, იყო შენიშვნები და რჩევებიც, რომლებიც ძალიან დამეხმარება სამომავლოდ. ამან იმხელა სტიმული მომცა, რომ

ვემზადებო ორი ახალი გამოფენისთვის. ახლა ანიმაციების კეთების და სწავლის ეტაპზე ვარ. გავაკეთე ლაზური ცეკვის ანიმაცია, რომელმაც მოკლე დროში ძალიან დიდი მოწონება დაიმსახურა.



ვაპირებ, ამ კუთხითაც მივიღო განათლება, რადგან მქონდა მსხვილი კომპანიისგან შემოთავაზება, დამეკმაზებინა რეკლამები და სამწიგნობროდ, გამოცდილების არქონამ, ძალიან შემაშინა და შევიკავე თავი. თითქმის დასასრულს უახლოვდება ახალი თოჯინების კეთება და მყურებელი მალე იხილავს ახალ სპექტაკლებს. წინ ბევრი კარგი სიახლე და გამოწვევაა. თამარ ჯავახიშვილი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.